

d'esser se intendino fuori di le ditte gratie, e far si debano niente di meno in loco loro come vachante et che i havessero compito. Et la presente parte non se intendi presa, se la non sarà *etiam* presa nel nostro Mazor Consejo.

† De parte . . .	37
De non	0
Non sincere . .	0

*Et ozi in Consejo di X fo suspesa
la dita parte*

Nota.

Castelan a la Scala vien pagado per la Comunità.
Do Castelani in Castel vecchio di Verona, è al presente uno solo, sier Batista Griti.
Castelan a San Piero di Verona, è Macon da Corezo contestabele.
Castelan a Lignago, è Zuan Batista di Zuan Mato con fanti 12, si paga a Verona.
Castelan a Castel Baldo e 4' compagni, si paga a Padoa.
Podestà a Loredò, è sier Vetor Soranzo provedador fato per Colegio.
Castelan a Nogaruoale, è afitado per l'oficio di le Raxon vechie.
Castelan a Bre'
Capitano di la Citadela di Verona, fo dato per el Consejo di X a missier Lunardo di Grassi, qual li fo dato da poi ducati 200 di provision di beni de' ribelli.

Item.

Castelan a Vicenza e uno guardian a la porta con salario.
Castelan a Lendenara
Castelan a Lacise e fanti 6 vardano il castelo e le fustè dil lago.

Queste è per gratia.

Castelan a la Sarasinescha di Padoa, fradeli qu. sier Zuan Malipiero mori a Modon.
Castelan a Mestre, fioli di sier Alvise Michiel mori a Modon.
Castelan a Este, fiol di sier Francesco da Mosto fo morto da' turchi.
Castelan a Quer, fioli di sier Luca Miani.

Castelan a Civaldi di Belun, sier Andrea Dandolo, fo preson a Lignago.

Castelan a Marostega, sier Marco Michiel qu. sier Polo.

Capitano di la citadela di la Cefalonia, sier Nicolò Magno e fradeli.

Castelli ruinadi.

21

Castelan a Peschiera.

Castelan di la rocha di Bergamo.

Castelan di la Capela di Bergamo.

Castelan a Ruigo.

Castelan a Moncelese.

Castelan a Limene.

Castelan di la Garzeta di Brexa.

Castelan a Porto Lignago.

Castelan a Monfalcon.

Castelan a Lonigo.

A dì 9. La matina, in Colegio non fo letere. Fo aldito sier Piero Trivixan di sier Domenego el cavalier procurator, provedador sora el cotimo di Damasco, qual fe' lezer una sua opinion de franchar el ditto cotimo, qual è debito ducati . . . milia. Et sier Michiel Morexini, provedador sora la marchadantia, fe' lezer una altra soa opinion, et li Provedadori sora la mercedantia una altra, *ita* che el primo Pregadi la meterano. Quel sarà preso, ne farò nota.

In questa matina, in Quarantia criminal e civil vechia, fo introdotto il caso di Pario per li cinque presidenti deputadi per il Consejo di Pregadi, *videlicet* sier Piero Zen, sier Alvise Bon dotor, sier Pandolfo Morexini, sier Lorenzo Bragadin et sier Mathio di Prioli. Et seazadi li expulsi, restono numero E introduse la cosa si trata sier Piero Zen predito, et non compite; sichè ogni matina si anderà seguendo. Sono le parte con li avochati.

In questa matina, per tempo si levò di sora porto le do nave di pelegrini Coresa et Cornera, che Dio li doni bon viazo.

Da po' disnar, fo Consejo di X con Zonta, et fo balotato de li tre Camerlengi de Comun qual dia far la cassa di la rata butada de l'imprestado, et rimase sier Hironimo Zulian, soto una balota sier Marco Contarini, qual è a la cassa de l'imprestado, poi sier Piero Arimondo. *Item*, feno vice cao di X, in loco di sier Antonio Bon, al qual è morto uno fiol in tre zorni, nominato sier Nicolò, di anni 21.

(1) La carta 21* è bianca.